

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- मुख्य अज्ज संविधान दिवस मना करदा ऐ। सरकारें भारतीय संविधान दे अपनाए जाने दे 75 ब'रे पूरे होने पर साल भर चलने आले समारोहें दी घोषणा कीती ऐ।
- उपराज्यपाल मनोज सिन्हा होरें तवि रिवर फ्रंट परियोजना दी प्रगति दा जायजा लैता ते आखेआ जे एह्दे नै जम्मू च सैलसफा गी मता बढ़ावा थ्होग।
- जंगलात मंत्री जावेद अहमद राणा होरें पर्यावरण संरक्षण दे उपाएं दी समीक्षा कीती ते प्रदूषण पर रोक लाने दे उपाएं गी तेज करने पर जोर दित्ता।
- आईपीएल 2025 दी निलामी च जम्मू कश्मीर थमां 4 खडारिएं गी चुनेआ गेआ ऐ।

<><><><><><>

Constitution Day

अज्ज संविधान दिवस ऐ। अज्जै दे रोज 1949 च संविधान सभा आस्सेआ संविधान गी स्वीकार कीता गेआ हा ते मगरा 26 जनवरी 1950 गी इसी लागू करी दित्ता गेआ हा। संविधान दिवस दी कीजे एह् 75मीं ब8रेगंड ऐ इस करियै अज्जै थमां साल भर चलने आले समारोहें दी शुरूआत बी कीती जा'रदी ऐ। एह् समारोह 26 नवम्बर 2025 तगर मुख्य भरै च आयोजत कीते जांगन। इस मौके पर अज्ज संविधान सदन दे केन्द्री कक्ष च लोआए जाने आले इक बड्डे समारोह च राष्ट्रपति द्रौपदी मुर्मू संसद दे दौनें सदनें गी संबोधत करगन। इस मौके पर उपराष्ट्रपति जगदीप धनखड़, प्रधानमंत्री नरेन्द्र मोदी, लोकसभा दे अध्यक्ष ओम बिरला ते दिल्ली स्थित दूतावासें दे प्रमुख बी मजूद रौहगन। संविधान दिवस दे मौके पर इक यादगारी सिक्का, इक डाक टिकट ते दऊं कताबां बी जारी कीतियां जांगन। एह्दे अलावा संविधान दा संस्कृत ते मैथिली भाषा च संस्करण बी जारी कीता जाग।

<><><><><><>

PM Constitution Day

प्रधानमंत्री नरेन्द्र मोदी होर अज्ज सुप्रीम कोर्ट च आयोजित संविधान दिवस समारोह च शामिल होंगन। इस मौके पर ओ मजूद लोकें गी संबोधत बी करगन। एह्दे इलावा मोदी होर न्यायपालिका दी सलाना रिपोर्ट बी जारी करगन। इस मौके पर केन्द्री कनून मंत्री अर्जुन राम मेघवाल, मुख्ख न्यायधीश जस्टिस संजीव खन्ना ते सुप्रीम कोर्ट दे होर जज बी मजूद रौंहगन।

<><><><><><>

LG Sinha

उपराज्यपाल मनोज सिन्हा होरें कल तवि रिवर फ्रंट परियोजना दे जारी कम्में दा जायजा लैता। उपराज्यपाल होरें अफसरें गी निर्देश दित्ते जे कम्में दी रफ्तार च तेजी आंदी जा तां जे परियोजना दा कम्म सें उप्पर मुकम्मल होई सकै। पत्रकारें कन्नै गल्ल करदे होई उपराज्यपाल होरें गलाया जे जम्मू स्मार्ट सिटी तैहत मती तरजीह आली इस परियोजना दे पैहले मरहले दा कम्म अगले ब'रे जनवरी तगर मुकम्मल करी लैता जाग। तवि रिवर फ्रंट परियोजना जम्मू च सैलसफा दी समर्थ च होर बाद्धा करोग। जम्मू जू लाईट एंड साउंड शो, तिरुपति मंदरै दे बनी जाने करी जम्मू डिवीजन च सैलानिएं दी आमद च बाद्धा होआ ऐ।

<><><><><><>

Javed Rana Forest Deptt.

जंगलात मंत्री जावेद अहमद राणा होरें मैह्कमे दे अफसरें दी इक बैठक दी अध्यक्षता करदे होई मैह्कमे दे कम्में काजें, एह्दिएं भविक्ख दिएं किश योजनाएं ते इत्त सरबंधी होरने मुद्दे बारे तफसीली जायजा लैता। बैठका च मैह्कमे दी पूरी पराती कुशलता गी लकीनी बनाने लेई लोड़चदे उपाह् करने ते कन्नै प्रक्रियाएं गी तरतीब देने पर बी जोर दित्ता गेआ ते कम्में गी असरदार ढंगै सिर तोड़ चाढ़ने लेई सरबंधत होरने मैह्कमे कन्नै नेड़मा तालेमल बनाइयै कम्म करने दा निर्देश बी दित्ता गेआ। बैठक च दमारती लकड़ी दी बंड, मलाजमें दी छमता निर्माण ते शैहरी इलाकें च रूक्ख बूहटे लाने सरबंधी “नगर वन” कार्यक्रम गी तैआर ते लागू करने पर बी जोर दित्ता गेआ।

<><><><><><>

Rana Pollution

जंगलात मंत्री जावेद अहमद राणा होरें प्रदूषण नियंत्रण बोर्ड दे चेयरमैन ते सरबंघत होरने अधिकारिएं कन्नै लग्गी दी इक बैठका च जम्मू कश्मीर च प्रदूषण सरबंघी बक्ख-बक्ख मुद्दें पर गल्लबात कीती। इस बैठक दा मुंडला मकसद पर्यावरण लेई पैदा चुनौतिएं दा पता लाना ते टिकाऊ विकास गी जकीनी बनांदे होई पर्यावरण दे संरक्षण पर बी चेचा ध्यान देने दे उपाएं दे बारे च चर्चा करना हा। मंत्री होरें प्रदूषण पर काबू पाने दे उपाएं पर ध्यान दित्ते बिजन कम्म करने आले लौहके उद्योगें दे बारे च चिंता प्रगट करदे होई उेसे उपाएं पर जोर दित्ता जेह्दे नै कोइ बी उद्योग कारखाना, पर्यावरण दे संरक्षण ते प्रदूषण पर रोक लाने दे सरिस्ते अपनाए बिजन कम्म नेई करै। उनें सब्बने उद्योगें आस्सेआ पर्यावरण सरबंघी नियमें कन्नूनें दी असरदार ढंगै सिर अमलावरी पर जोर दित्ता ते आखेआ जे इस बारे लोकें गी जागरूक करने लेई बड्डे पैमाने पर उपाह कीते जान।

<><><><><><>

Ramban NAS

शिक्षा मंत्रालय ते एनसीईआरटी दे सैहयोग कन्नै रामबन दे जिला शिक्षा ते सिखलाई संस्थान डाइट आस्सेआ “परख” नां कन्नै उपलब्धिएं सरबंघी इक राष्ट्रीय सर्वेक्षण शुरू कीता गेआ ऐ। इस पैहल दा मकसद शिक्षा बवस्था च सुधार आहनने दे मकसद कन्नै शिक्षा मानकें ते विद्यार्थिएं दी पढ़ाई च कारकरदगी दा मूलांकन करना ऐ तां जे जित्थें कुदरै बी कोई कमी पेशी ऐ उसी सुधारेआ जाई सकै। इस सर्वेक्षण तैहत् तीसरी, छेमी ते नौमी क्लासे दे विद्यार्थिएं दिएं उपलब्धिएं दा मूलांकन कीता जाग ते मुख्य विषयें बारे उंदी समझ ते जानकारी गी परखेआ जाग। तीसरी ते छेमी क्लास दे बच्चें दे मूलांकन च भाषा, स्हाब ते पर्यावरण शिक्षा जानी ईवीएस गी शामिल कीता जाग जिसलै जे नोमी क्लास लेई इनें विषयें दे इलावा विज्ञान गी बी शामिल कीता जाग। इस सर्वेक्षण गी पूरी चाल्ली बवस्था आले ढंगै सिर तोड़ चाढ़ने लेई जिला कोआडीनेटर, डाइट प्रिंसिपल ते स्कूली सतह दे निगरान एह्दे पर नजर रखगंन। जिले च एह् सर्वे 73 स्कूलें च करोआया जा’रदा ऐ ते अजें तोड़ी 92 क्लासें च एह् करोआया जाई चुके दा ऐ। साढ़े जिला संवाददाता अजयदीप सिंह कन्नै गल्ल करदे होई डाइट रामबन दे जिला सतह दे मास्टर ट्रेनर शाहनवाज गनी होरें आखेआ.....

बाईट

<><><><><><>

IPL Auction

स्वदी अरब च आयोजित आईपीएल 2025 दी निलामी च जम्मू कश्मीर दे 14 खडारिएं थमां 4 खडारिएं गी चुनेआ गेआ ते 10एं खडारिएं गी नेई चुनेआ गेआ ऐ। पैहले दिन 2 खडारी चुने गे ते दुए दिन बी दऊं खडारिएं गी चुनेआ गेआ। कुलगाम दे बसनीक तेज गेंदबाज रसीख सलाम गी रॉयल चैलेंजर बंगलोर नै बड्डी रकम 6 करोड़ कन्नै खरीदने जम्मू दे ऑल राउंडर अब्दुल्ल समध गी लखनऊ युपर जायंटस नै 4 करोड़ 20 लक्ख कन्नै खरीदेआ। जम्मू कश्मीर दे ऑल राउंडर युद्धवार सिंह गी बी आरसीबी नै 35 लक्ख रपे कन्नै खरीदेआ। तोआई तेज गेंदबाज उमरान मलिक गी कोलकाता नाईट राईडर नै 75 लक्ख कन्नै खरीदेआ।

<><><><><><>

Yoingest Player IPL

13 ब'रे दे वैभव सूर्यवंशी आईपीएल च शामिल होने आले सब्बने शा घट्ट उमरी दे खडारी बनी गे न। आईपीएल 2025 लेई राजस्थान रॉयल्स नै उसी 1 करोड़ 10 लक्ख रपे दी कीमत पर अपनी टीम च शामिल कीता। वैभव हालांके अंतराष्ट्रीय मैच च सौ रंज बनाने आले सब्बने । घट्ट उमरी दे खडारी बने हे। उनें चेन्नई च 19एं ब8रे कोला घट्ट उमरी दे खडारिएं दे यूथ टैस्ट च आस्ट्रेहलया दे खलाफ 62गेदें च 104 रंज बनाए हे। इस ब'रे दे शुरू च वैभव 12एं ब8रे दी उमरी च बिहार दी तरफा रणजी ट्रॉफी च अपनी थाहर बनाइयै रणजी ट्रॉफी दे सब्बने शा घट्ट उमरी दे खडारी बनी गे हे।

<><><><><><>

Mirpur Balidan

उधमपुर च कल मीरपुर बलिदान दिवस दे सिलसिले च इक विशेष कार्यक्रम दा सरिस्ता करियै मुखें दी बंड दरान पाकिस्तान दे नजैज कब्जे आले मीरपुर दे इलाके थमां आए दे लोकें उस त्रासदी गी चेता करदे होई उस दरान मारे गेदें गी श्रद्धांजलि भेंट कीती। साढ़े जिला संवाददाता अचिन दूबे नै जानकारी दित्ती ऐ जे इस मौके वेद मंदर उधमपुर रु हवन कीता गेआ ते आदर्श कालौनी स्थित बलिदान पार्क च शहीदें दे सम्मान च पुष्प चक्र बी भेंट कीते गे। मीरपुर थमां आए दे इक रफयूजी धर्मवीर गुप्ता नै आकाशवाणी कन्नै गल्ल करदे होई आखेआ.....बाईट

<><><><><><>

Guidelines Govt.

યૂટી સરકાર નૈ અપને અધિકારિં ગી ગલાયા ઁ જે ખુફિયા તે બડી મતી ખુફિયા જાનકારિં ગી ઇંટરનેટ ઉપ્પર સાંજા નેઈ કરના લોઢ્ચદા તે વિષેશ જાનકારી ઉપ્પર ચર્ચા કરદે દરાન સ્માર્ટ ફોન ગી બૈઠક કક્ષ દે બાહર જમા કરાઈ દેના લોઢ્ચદા ઁ. સરકાર તે અધિકારિં તે કર્મચારિં બશકાર સંવેદનશીલ ખુફિયા તે બડી મતી ખુફિયા જાનકારી પ્રસારત કરને લેઈ વટ્સ ઁપ, જીમેલ તે ઇયૈ જનેહ્ હોર દુઁ મંચે દા ઇસ્તેમાલ કરને બધાર'રદે રૂઝાને બારે ચૈંતા બુજ્ઝી ઁ. જારી ઇતલાહ મૂજબ ઁહ્દે કન્નૈ જાનકારી દી ગોપનીયતા તે સુરક્ષા બારે સંવેધનશીલતા પૈદા હોંદી ઁ. સરકાર ને ગલાયા ઁ જે ત્રીયે પક્ષ દે સંચાર ઉપકરણે દા ઇસ્તેમાલ કરને કરી ડાટા લોઆંગના તે ખુફિયા જાનકારી દે લીક હોને સનેં કેઈ હોર દુઁ મુદ્દે હોઈ સકદે ન. સરકાર નૈ ગલાયા ઁ જે મંચ મુક્ષ તૌરા પર સંવેદનશીલ જાનકારી ગી સંભાલને લેઈ ડિજાઇન નેઈ કીમે ગે।

<><><><><><>